

Date : 23 Januari 2014
 Title : Hebat Mendaki Tembok Tiruan
 Publication : Berita Harian (Varsiti)
 Page : V16

V16 **VARSAITI SUKAN**

© KHAMIS 23 JANUARI 2014 BIL:209

BH

Oleh Rosniza Mohd Taha
 yoniza@bh.com.my

Putrajaya

HEBAT MENDAKI TEMBOK TIRUAN

Putrajaya: Kejohanan Sukan Mendaki Tembok Tiruan antara Universiti (VAWC) di Taman Cabaran Putrajaya, baru-baru ini, menyerlahkan bakat warga institusi pengajian tinggi (IPT) dalam sukan ekstrem.

Kejohanan dua hari itu menyaksikan saingan 115 pelajar IPT awam (IPTA) dan swasta (IPTS) dalam acara Men Novice, Men Expert, Women Novice, Mix Speed serta Best Individual.

Antara peserta menyerlah ialah pelajar Universiti Islam Antarabangsa Malaysia (UIAM), Muhammad Taqiuddin Mohd Zulkifli, serta wakil Universiti Multimedia (MMU) Cyberjaya, Muna Hazwani Hashim, yang mengungguli acara Best Individual masing-masing untuk kategori lelaki dan wanita.

Kerjasama

Kejohanan berkenaan dianjurkan oleh UIAM dengan kerjasama Kementerian

Pendidikan dan Persekutuan Mendaki Malaysia.

IPT yang mengambil bahagian ialah UIAM, Universiti Teknologi Malaysia, Universiti Sains Malaysia, Universiti Teknikal Malaysia Melaka, Universiti Utara Malaysia dan Universiti Teknologi MARA.

Selain itu, MMU, Management and Science University, Universiti Kuala Lumpur, Universiti Tenaga Nasional, Kolej Taylor's, Politeknik Kota Bharu, Politeknik

Sultan Mizan Zainal Abidin dan Kolej Komuniti Hulu Selangor.

Majlis penutup kejohanan dirasmikan oleh Penolong Setiausaha Bahagian Sukan, Kementerian Pendidikan, Kalyapan Rajakumaran.



Muhammad Taqiuddin gembira mengungguli acara VAWC di Taman Cabaran Putrajaya.



Warga IPT yang mengambil bahagian dalam VAWC.